

Adroddiad i'r:	Cabinet
Dyddiad y Cyfarfod:	29 Gorffennaf 2014
Aelod Arweiniol / Swyddog:	Y Cynghorydd Eryl Williams, Aelod Arweiniol dros Addysg
Awdur yr Adroddiad:	Pennaeth Cwsmeriaid a Chefnogaeth Addysg
Teitl:	Rhaglen Moderneiddio Addysg

1. Am beth mae'r adroddiad yn sôn?

Mae'r adroddiad hwn yw diweddarau Aelodau'r Cabinet am y cynnydd ar y Rhaglen Moderneiddio Addysg, ac yn benodol yn ceisio cymeradwyaeth ar gyfer prosiectau o fewn y Rhaglen. Mae hefyd yn rhoi trosolwg o'r prosiectau posibl i gael eu hariannu fel rhan o'r Cynllun Corfforaethol.

2. Beth yw'r rheswm dros wneud yr adroddiad hwn?

Mae'r Cyngor yn symud ymlaen â rhaglen uchelgeisiol ar gyfer buddsoddi yn yr ystâd ysgolion. Mae'r adroddiad hwn yn rhoi gwybodaeth i'r Aelodau i adolygu'r cynnydd cyfredol a deall y cyfalaf sydd ei angen ar gyfer yr holl brosiectau. Mae hefyd yn gofyn am gymeradwyaeth i symud ymlaen i'r cam gwaith nesaf ar gyfer rhai prosiectau.

3. Beth yw'r Argymhellion?

Gofynnir i'r Cabinet:

- (i) Awdurdodi cychwyn astudiaethau dichonoldeb mewn perthynas â'r prosiectau a nodir yn Atodiad 2, a bydd eu cwblhau yn destun penderfyniadau cyllideb yn y dyfodol.**
- (ii) Nodi bydd yr awdurdod yn parhau i gynnal y ddarpariaeth yn Ysgol Borthyn.**
- (iii) Nodi'r gofyniad i ymgynghori ar ddyfodol Ysgol Rhewl yn dilyn astudiaeth dichonoldeb ar safle Glasdir.**
- (iv) Cymeradwyo symud ymlaen i ymgynghori ffurfiol ar gyfer y newid arfaethedig i ysgol sydd â dynodiad crefyddol ar gyfer Ysgol Esgob Morgan trwy ei gau fel ysgol gymunedol a'i ail-agor fel ysgol wirfoddol dan reolaeth yr Eglwys yng Nghymru o 1 Medi, 2015.**

4. Rhaglen Ysgolion yr 21ain Ganrif

4.1 Mae Rhaglen Ysgolion yr 21ain Ganrif yn parhau i wneud cynnydd gyda'r mecanweithiau cymeradwyo achosion busnes yn awr wedi'u cwblhau ar gyfer 3 o'r 5 prosiect fel y dangosir isod. Mae'r ymrwymïadau ariannol presennol ar gyfer Rhaglen Ysgolion yr 21ain Ganrif ynghlwm yn Atodiad 1.

Prosiect	Achos Amlinellol Strategol (SOC)	Achos Busnes Amlinellol (OBC)	Achos Busnes Llawn (FBC)	Achos Cyfiawnhau Busnes (BJC)	Amserlenni
Ysgol Newydd Y Rhyl	Cymeradwywyd Medi 2013	Cymeradwywyd Achos Busnes Cyfunol Mawrth 2014			Dyddiad cwblhau a ragwelir - Ionawr 2016
Ysgol Glan Clwyd	Cymeradwywyd Mai 2013	Cymeradwywyd Hydref 2013	I'w gyflwyno Gwanwyn 2015		Dyddiad cwblhau a ragwelir - Gorffennaf 2017
Uwchradd Ffyrdd wedi'i Rannu	Cyflwynwyd Mai 2014	I'w gadarnhau.	I'w gadarnhau		Dyddiad cwblhau a ragwelir - Awst 2018
Ysgol Bro Dyfrdwy				Cymeradwywyd Ebrill 2013	Cwblhawyd - Mawrth 2014.
Ysgol Gymunedol Bodnant				Cymeradwywyd Ebrill 2013	Dyddiad cwblhau a ragwelir - Gorffennaf 2016

4.2 Prosiect Ysgol Newydd y Rhyl

4.3 Ym mis Chwefror 2014 rhoddodd y Cyngor gymeradwyaeth ar gyfer yr Achos Busnes Llawn ar gyfer y prosiect Ysgol Newydd Y Rhyl i gael ei gyflwyno i Lywodraeth Cymru a wnaeth wedyn gadarnhau eu cymeradwyaeth ym mis Ebrill 2014. Mae adroddiad Rhan II ar wahân ar y rhaglen hon ynghlŷn â'r camau nesaf ar gyfer y prosiect hwn.

4.4 Ysgol Gymunedol Bodnant

4.5 Mae'r prosiect ymestyn Ysgol Gymunedol Bodnant yn parhau i symud ymlaen. Cymeradwyodd yr aelodau gam Dylunio Manwl y prosiect hwn ym mis Chwefror 2013. Cymeradwywyd yr Achos Cyfiawnhau Busnes gan Lywodraeth Cymru ym mis Ebrill 2013, ac mae hyn wedi caniatáu i'r Cyngor

ymrwymo i gcontract gyda Llywodraeth Cymru am y swm o £1.67m fel eu helpen o arian cyfatebol ar gyfer y prosiect. Ceisir cymeradwyaeth drwy adroddiadau Cyfalaf rheolaidd y Cyngor ar gyfer gweddill cyfraniad y Cyngor o tua £1.411m tuag at y prosiect hwn.

4.6 Cyflwynwyd y cais cynllunio ym mis Mehefin 2014, ac mae wedi ei raglennu i gael penderfyniad ym mis Gorffennaf 2014. Mae'r amserlen prosiect presennol yn awgrymu dyfarnu'r contract erbyn mis Tachwedd 2014. Dylai hyn alluogi dechrau'r gwaith erbyn dechrau 2015 ac amcangyfrifir bydd y dyddiad cwblhau yng Ngorffennaf 2016.

4.7 Ysgolion Ffydd

4.8 Mae'r Achos Amlinellol Strategol ar gyfer y prosiect Ysgolion Uwchradd Ffydd wedi cael ei gyflwyno i Lywodraeth Cymru a bydd hyn yn cael ei ystyried ym mis Gorffennaf. Mae Llywodraeth Cymru wedi cadarnhau bydd *"y trefniadau ariannu ar gyfer ysgolion Gwirfoddol a Gynorthwyr yn Ysgolion yr 21ain Ganrif yn gyfradd ymyrraeth o hyd at 85% gan Lywodraeth Cymru a 15% gan y sector VA. Bydd angen i'r 85% gael ei gaffael ar lefel rhaglen o 50% Llywodraeth Cymru o'ch costau rhaglen gyfredol ac mae hyn yn golygu bod y 35% y byddech wedi ei glustnodi i ddechrau fel eich cyfraniad yn cael ei defnyddio ar brosiectau eraill yn eich rhaglen band A. Gallaf gadarnhau y bydd y gyfran ganran hon yn cael ei adlewyrchu yn y mater o'n llythyrau dyfarnu grant ar gyfer achosion busnes a gymeradwywyd eisoes neu sydd i'w gymeradwyo i sicrhau bod cyfran o 50% Llywodraeth Cymru o'r rhaglen yn parhau i fod fel y cymeradwywyd gan y Gweinidog dros Addysg a Sgiliau."* Yn wyneb y datganiad hwn mae deialog pellach yn digwydd gyda Llywodraeth Cymru.

4.9 Y cynnig a gymeradwywyd gan Esgob Wrecsam ac Esgob Llanelwy yw cau Santes Ffraid a'r Bendigaid Edward Jones o Awst 2018 ac i ysgol uwchradd newydd ffydd a rennir gael ei hadeiladu ar gyfer 750 o ddisgyblion, o ystod oedran 11 - 16 yn ardal Rhuddlan / Bodelwyddan ac i agor ar 1 Medi 2018. Mynegodd pob un o'r hyrwyddwyr eu dewisiadau o'r rhestr hir o opsiynau a oedd yn cynnwys safleoedd ysgolion presennol. Mynegodd Sir Ddinbych ffafriaeth ar gyfer lleoliad yn y Rhyl a mynegodd yr Awdurdodau Esgobaethol ffafriaeth ar gyfer ardal Rhuddlan / Bodelwyddan. Yn seiliedig ar y safbwyntiau hyn daeth y consensws ar gyfer ardal Rhuddlan / Bodelwyddan i'r amlwg. Opsiwn arall i'w archwilio gydag ymddiriedolaeth y Santes Ffraid ac Esgobaeth Gatholig Wrecsam fyddai cadw darpariaeth gynradd St Ffraid ar y safle presennol. Mae gwaith yn cael ei wneud i asesu safleoedd posibl ar gyfer yr ysgol newydd. Ar ôl cwblhau'r astudiaeth ddichonoldeb hon gofynnir am ganiatâd gan y Cabinet i ddechrau ymgynghoriad ffurfiol yn gynnar yn 2015.

5. **Ariannu'r Cynllun Corfforaethol**

5.1 Fel rhan o Gynllun Corfforaethol y Cyngor gwnaeth yr Aelodau ymrwymiad i fuddsoddi £23miliwn pellach i weithredu'r adolygiadau ardal, gwaith adnewyddu a gwelliannau eraill i'n hysgolion. Mae Atodiad 2 i'r adroddiad hwn yn rhoi trosolwg o'r prosiectau posibl y gellid eu datblygu dros yr ychydig

flynnyddoedd nesaf. Bydd amseriad y prosiectau hyn yn dibynnu ar yr adnoddau cyffredinol sydd ar gael. I alluogi prosiectau i ddechrau, gofynnir am gymeradwyaeth yn y lle cyntaf ar gyfer arian dichonoldeb i ddatblygu'r prif opsiynau ar gyfer buddsoddiad cyfalaf sy'n deillio o adolygiad Cynradd Rhuthun.

5.2 Adolygiad Rhuthun

5.3 Yn ystod 2013 rhoddodd y Cabinet gymeradwyaeth i ystod o gynigion ar gyfer adolygu darpariaeth ysgolion cynradd yn ardal Rhuthun. Mae Atodiad 3 yn rhoi trosolwg o gynnydd ar gyfer pob un o'r chwe chynnig. Bydd tri o'r chwe ardal yn dibynnu ar ddyrannu adnoddau cyfalaf a manylir ar y rhain isod.

5.4 Ysgolion Tref Rhuthun – safle Glasdir

5.5 Rhoddodd y Cabinet eu cymeradwyaeth i ystyried dyfodol Ysgol Stryd y Rhos, Ysgol Borthyn, Ysgol Pen Barras ac Ysgol Rhewl mewn cysylltiad gydag opsiynau ar gyfer datblygu safle Glasdir. Mae canfyddiadau adolygiad Rhuthun a'r cynnig dilynol ar gyfer cau Ysgol Llanbedr yn dangos ymrwymiad cryf i'r angen i gadw Ysgol Borthyn fel ysgol ffydd cyfrwng Saesneg i wasanaethu tref Rhuthun a'r gymuned ehangach. Mae niferoedd presennol disgyblion a darpar niferoedd yn parhau'n gryf, ac felly, at ddiben cynigion yn y dyfodol, bydd y ffocws ar Ysgol Stryd y Rhos, Ysgol Penbarras ac Ysgol Rhewl. Mae cynnydd datblygu opsiynau wedi canolbwyntio yn y lle cyntaf ar faterion risg llifogydd ac argaeledd tir.

5.6 Mae'r llinell llifogydd yn parhau i fod ddigon pell i fwrdd oddi wrth y tir y bwriedir ei ddefnyddio ar gyfer adeiladu ysgol. Yn ystod y cyfarfod Asesu Llifogydd Strategol a gynhaliwyd yng ngwanwyn 2014, ni ragwelwyd unrhyw broblemau arwyddocaol ynghylch y safle. Mae risg posibl wedi cael ei nodi o amgylch y llwybr 'gorlif' o'r ffrwd trwy'r safle (mewn achos o lifogydd). Fodd bynnag, mae Cyfoeth Naturiol Cymru wedi mynegi hyder y gellid goresgyn hyn yn hawdd ac maent wedi gofyn i Sir Ddinbych weithio gyda nhw yn ystod camau cynharaf unrhyw gynigion i adeiladu i negyddu'r risg hon.

5.7 Ceisir cytundeb ar hyn o bryd i ariannu gwaith dichonoldeb pellach ar yr opsiynau. Bydd canfyddiadau'r gwaith hwn yn rhoi mwy o eglurder dros ystod o faterion megis goblygiadau traffig, cadarnhad o argaeledd tir ac eglurhad o'r costau tebygol ar gyfer yr opsiwn hwn. Bydd hyn yn galluogi i Achos Busnes llawn gael ei ystyried o fewn y 6 mis nesaf. Byddai'r cytuno ar yr Achos Busnes a chynnydd y prosiect hwn yn caniatáu i'r Cabinet roi ystyriaeth lawn i statws Ysgol Rhewl yn y dyfodol. Byddai angen i'r Achos Busnes hwn ystyried a fyddai'r buddsoddiad hwn mewn cyfleusterau ysgol ar safle Glasdir yn caniatáu'r opsiwn o gau Ysgol Rhewl gael ei gynnis yn y cam hwn. Mae'r amserlenni dangosol yn awgrymu y byddai'r ymgynghoriad hwn yn dechrau yn gynnar yn 2015.

5.8 Ysgol Carreg Emlyn - Ysgol ardal newydd ar gyfer Clocaenog a Cyffylliog

- 5.9 Cymeradwydd y Cabinet weithredu'r rhybudd statudol i uno Ysgol Clocaenog ac Ysgol Cyffylliog o 1 Medi 2014 ac i'r ysgol newydd, gael ei galw'n Ysgol Carreg Emlyn, i weithredu ar eu safleoedd presennol. Y dyhead tymor hir yw adeiladu ysgol newydd ar un safle.
- 5.10 Fel rhan o'r trafodaethau am Ysgol ardal ar gyfer Clocaenog a Cyffylliog, dechreuwyd ar waith dichonoldeb cychwynnol i edrych ar safleoedd posibl. Mae'r canfyddiadau'n dangos bod yna ychydig o safleoedd addas ym mhentref Clocaenog a allai greu lle i ysgol gyda maint posibl o 105 o ddisgyblion llawn amser.
- 5.11 Y cam nesaf fydd i'r opsiynau a nodwyd gael eu hystyried ac i achos busnes gael ei ddatblygu ar yr opsiwn a ffafrir. Rhagwelir y bydd hyn yn cael ei gyflwyno i'r Grŵp Buddsoddi Strategol yn yr hydref.
- 5.12 Ysgol ardal newydd ar gyfer Llanfair a Phentrecelyn
- 5.13 Yn ystod mis Mai 2014 daeth i'r amlwg na fyddai'r opsiwn a ffafrir ar gyfer ffedereiddio Ysgol Llanfair ac Ysgol Pentrecelyn yn cael ei ganiatáu o dan reoliadau newydd Llywodraeth Cymru. Mae opsiynau amgen yn cael eu harchwilio gan y ddau gorff llywodraethol, gan gynnwys yr opsiwn o symud yn syth at y gwaith o ddatblygu ysgol ardal newydd ar gyfer Ysgol Llanfair ac Ysgol Pentrecelyn.
- 5.14 Gofynnir am gymeradwyaeth i ddyrannu swm o £10k ar gyfer gwaith dichonoldeb i ganfod a fyddai'r safleoedd posibl yn ardal Llanfair yn gallu cartrefu ysgol newydd gyda lle i 140 o ddisgyblion. Byddai unrhyw fuddsoddiad pellach yn ddibynnol ar sicrhau cymeradwyaeth ar gyfer uno'r ddwy ysgol bresennol.
- 5.15 Rheoli Traffig Safle Ysgol
- 5.16 Fel rhan o gynlluniau buddsoddi mae angen ystyried mynd i'r afael â materion traffig ar safleoedd ysgolion. Yn flaenorol roedd dyraniad bloc yn cael ei wneud yn flynyddol i fynd i'r afael â'r safleoedd risg uchel. Mae pob safle ysgol wedi cael eu hasesu gan y Swyddog Iechyd a Diogelwch corfforaethol ac mae nifer fechan o safleoedd risg uchel o hyd. Cymeradwydd y Grŵp Buddsoddi Strategol £400k mewn egwyddor yn amodol ar achosion busnes manwl yn cael eu cymeradwyo ar gyfer gwaith ar y safleoedd blaenoriaeth uchel yn Ysgol Dewi Sant, Y Rhyl ac Ysgol Llewelyn, Y Rhyl i'w cwblhau erbyn hydref 2015.
- 5.17 Ysgol Pendref
- 5.18 Cyfunodd y Cyngor Ysgol Gwaenynog ac Ysgol Heulfre yn Ninbych yn 2012 i greu Ysgol Pendref. Mae'r ysgol yn parhau i fod mewn dau adeilad ar safle cyfagos. Mae'r dyhead tymor hir yn parhau i un adeilad gael ei ymestyn i ganiatáu rhyddhau'r cyfan neu ran o'r safle arall.
- 5.19 Darpariaeth Gynradd Y Rhyl

5.20 Mae angen yn dod i'r amlwg i ystyried yr opsiynau i gwrdd â'r galw cynyddol am leoedd i ddisgyblion yn y sector cynradd yn y Rhyl. Mae rhagamcaniadau disgyblion presennol yn awgrymu bydd cyfanswm y disgyblion yn cynyddu o 2672 fel a saif yn 2015 i 2785 erbyn 2019. Bydd hyn yn creu sefyllfa lle bydd lefel y lleoedd gwag yn y dref yn gostwng o 5.7% yn 2015 1.7% (48 o leoedd) allan o gyfanswm lleoedd i ddisgyblion o 2833.

5.21 Safle Strategol Allweddol Bodolwyddan

5.22 Mae trafodaethau yn cael eu datblygu gyda Barwood, y datblygwr ar gyfer y safle strategol allweddol ym Modelwyddan, ynghylch opsiynau ar gyfer darparu ysgol gynradd yn y dyfodol. Mae'r ysgol gynradd bresennol yn llawn, a bydd unrhyw dwf mewn tai yn yr ardal yn rhoi pwysau ar ysgolion lleol. Roedd y trafodaethau yn canolbwyntio ar geisio cyfraniadau ariannol er mwyn sicrhau bod yr angen am leoedd ychwanegol yn cael ei fodloni gan y datblygwr.

6. **Adolygiadau Ardal yn y dyfodol – Darpariaeth Gynradd**

6.1 Dros y pedair blynedd diwethaf mae'r Cyngor wedi cwblhau adolygiadau ardal cynradd ar gyfer Dwyrain Dyffryn Dyfrdwy, Edeyrnion ac ardaloedd Prestatyn ac mae yn y broses o gwblhau adolygiad ardal Rhuthun yn seiliedig ar y cynigion a gymeradwywyd gan y Cabinet fis Mehefin a mis Hydref diwethaf.

6.2 Mae hyn yn gadael tair ardal i'w hadolygu yn y dyfodol; Dinbych, Llanelwy a'r Rhyl. Hyd yma ffocws yr adolygiadau cynradd fu'r angen i leihau lleoedd gwag. Ar hyn o bryd ar sail ardal mae'r lleoedd gwag yn 9.17% yn Ninbych, 2.56% yn Llanelwy a 7.94% yn y Rhyl a rhagwelir oherwydd pwysau demograffig bydd y lleoedd gwag yn gostwng ymhellach yn yr ardaloedd hyn.

6.3 Yn amlwg ni fydd y mater o leoedd gwag yn sbardun ar gyfer yr adolygiadau hyn ac mae'r galw am unrhyw adolygiad yn debygol o godi materion gwahanol. Yn bennaf yn y tair ardal hon y materion sydd angen sylw yw bodloni'r twf tebygol o'r Safle Strategol Allweddol ym Modelwyddan, mynd i'r afael â chyfuno'r babanod ac iau a'r angen am fuddsoddiad i wella'r ystâd ysgol.

6.4 Awgrymir bod adolygiadau yn cael eu cynnal mewn dwy ardal ddaearyddol wahanol: I'r gogledd o'r A55 a'r De o'r A55. Byddai hyn yn rhoi cyfle i ystyried twf mewn ardaloedd megis Bodolwyddan a'r Rhyl gyda'i gilydd tra'n caniatáu am ateb ehangach i ddod i'r amlwg ar gyfer ardal Llanelwy a Dinbych gyda'i gilydd.

7. **Dynodiad Crefyddol Ysgol Esgob Morgan**

7.1 Ar hyn o bryd mae dwy ysgol gynradd yn Llanelwy, sef Ysgol Wirfoddol Dan Reolaeth Babanod Llanelwy ac Ysgol Iau Esgob Morgan. Yn dilyn sylwadau gan Gorff Llywodraethol Ysgol Esgob Morgan a'r Eglwys yng Nghymru,

gofynnir i'r Cabinet i roi caniatâd i gychwyn ymgynghoriad ar gynigion i newid dynodiad Ysgol Esgob Morgan o ysgol Gymunedol i Ysgol Wirfoddol dan Reolaeth dan nawdd yr Eglwys yng Nghymru. Mae'r papur ymgynghori drafft wedi'i gynnwys fel Atodiad 4. Ymgynghorwyd ag Awdurdod Esgobaethol yr Eglwys yng Nghymru fel cyd-hyrwyddwr ar y cynnig yn unol â'r Cod Trefniadaeth Ysgolion. Maent yn cyfarfod ar 8 Gorffennaf ac wedi cadarnhau eu cefnogaeth unfrydol i'r cynnig.

- 7.2 Byddai'r cynnig yn ei gwneud yn ofynnol i Sir Ddinbych gau Ysgol Esgob Morgan fel Ysgol Gymuned o 31 Awst 2015 ac ar yr un pryd byddai'r Eglwys yng Nghymru mewn partneriaeth â Chorff Llywodraethol Ysgol Esgob Morgan yn cyhoeddi cynigion i agor Ysgol Esgob Morgan fel Ysgol Wirfoddol dan Reolaeth o 1 Medi 2015. Rhagwelir y byddai'r ymgynghoriad ffurfiol ar y cynnig hwn yn dechrau ar 8 Medi tan 22 Hydref 2014. Yn dilyn hyn, byddai angen i'r Cabinet ac Awdurdod Esgobaethol yr Eglwys yng Nghymru ystyried canfyddiadau'r ymgynghoriad a chytuno a ddylid bwrw ymlaen i'r cam nesaf sef cyhoeddi hysbysiadau statudol.

8. Sut mae'r penderfyniad yn cyfrannu at y Blaenoriaethau Corfforaethol?

- 8.1 Bydd y cynnig yn cefnogi'r flaenoriaeth gorfforaethol o "wella perfformiad mewn addysg ac ansawdd adeiladau ein hysgolion".

9. Beth fydd y gost a sut y bydd yn effeithio ar wasanaethau eraill?

- 9.1 Mae cost gyffredinol Rhaglen Ysgolion yr 21ain Ganrif yn £73.4m ac mae dyraniadau dros dro wedi cael eu gwneud gan Sir Ddinbych ar gyfer ei gyfraniad cyffredinol o 50%. Bydd y 50% sy'n weddill yn dod trwy Lywodraeth Cymru a chafwyd cymeradwyaeth ar gyfer 3 o'r 5 prosiect hyd yma. Bydd dyraniad cyllid gan Lywodraeth Cymru ar gyfer yr ysgol ffydd yn cael effaith sylweddol ar y rhaglen. Roedd y Cynllun Corfforaethol hefyd yn cynnwys nod i fuddsoddi £23m pellach ar weithredu canlyniadau'r adolygiadau ardal, gwaith adnewyddu a gwelliannau eraill i ysgolion.

10. Beth yw prif gasgliadau'r Asesiad o Effaith ar Gydraddoldeb a gynhaliwyd ar y penderfyniad? Dylid cynnwys templed o'r Asesiad o Effaith ar Gydraddoldeb fel atodiad i'r adroddiad.

Y prif benderfyniad o fewn yr adroddiad yw symud ymlaen tuag at ymgynghori ynglŷn â statws Ysgol Esgob Morgan o newid o ysgol gymunedol i ysgol wirfoddol dan reolaeth. Awgrymodd canfyddiadau'r asesiad effaith y byddai'r cais yn cael effaith gadarnhaol ar grefydd. (gweler Atodiad 5)

11. Pa ymgynghoriadau a gynhaliwyd gan y Pwyllgor Archwilio ac eraill?

- 11.1 Mae'r opsiynau ar gyfer buddsoddi ar gyfer Ysgolion yr 21ain Ganrif wedi cael ei gymeradwyo yn flaenorol gan y Cabinet a'i drafod gyda'r Pwyllgor Archwilio. Cafodd yr opsiynau ar gyfer buddsoddi yn y Cynllun Corfforaethol eu trafod gyda'r Pwyllgor Archwilio Cymunedau ar 24 Mehefin a chefnogodd y Pwyllgor

y weledigaeth uchelgeisiol ar gyfer moderneiddio cyfleusterau addysg ar draws y Sir.

12. Datganiad gan y Prif Swyddog Cyllid

- 12.1 Mae'r adroddiad yn tynnu sylw at y dyhead i fuddsoddi mewn rhaglen gwella ysgolion sylweddol. Mae angen adolygu'r ffigurau a ddyfynnwyd i ystyried y tybiaethau diweddaraf mewn perthynas â chyllid mewnol ac allanol, costau a llif arian. Bydd yn rhaid asesu cyfraniadau mewnol yn y dyfodol fel rhan o rownd y gyllideb flynyddol.

13. Beth yw'r risgiau ac a oes unrhyw beth y gallwn ei wneud i'w lleihau?

- 13.1 Mae nifer o risgiau yn cael eu rheoli ar hyn o bryd ar lefel rhaglen gan y Bwrdd Rhaglen Moderneiddio Addysg. Bydd pob prosiect unigol yn cynnwys gweithdrefnau rheoli risg.

14. Pŵer i wneud y Penderfyniad

Mae'r cynigion yn cyd-fynd â'r Fframwaith Polisi Moderneiddio Addysg.

.

Mae Deddf Safonau a Threfniadaeth Ysgolion (Cymru) 2013 yn darparu'r gofyniad deddfwriaethol i awdurdodau lleol adolygu cynigion ysgolion ac i symud ymlaen cynigion i ad-drefnu darpariaeth ysgolion.